

Pauli Gerrei. Mèrcuris 15 e 22 de onniasantu su laboratòriu “De su filu a sa trama”

Programmaus duus atòbius in sa biblioteca comunali de Gerrei de su laboratòriu De su filu a sa trama, prevìdius a intru de is atividadis culturalis de su progetu Su Gerrei e su sardu. Is operadoris linguisticus ant a aprontari una faina culturali chi at a spiegai a is piciocheddus de sa scola primària comenti nascit unu filu, de sa lana de is brebeis, fina a otenni s'arroba tèssia, est a narri sa trama.

Gràtzias a s'impreu de telargeddus de linna a mesura de pipiu, is piciocheddus ant a tessi ognunu po contu suu, chini unu stùgiu po cellularis, chini una presina de coxina, chini unu centrinu de pònniri in sa mesa. Totu s'atividadi at a essi fata impreendi su sardu comenti lìngua veiculari. Is apuntamentus funt 2, unu mèrcuris su 15 de onniasantu, e s'àteru mèrcuris su 22 de onniasantu 2023, sèmpiri a is 15.30.